

原名哲言韻編

# 青年 成功 必讀



上海經濟書流通處印  
各省世界書局發行

參觀不致複述

# 本書內容簡要

|    |    |    |    |    |    |    |    |    |    |
|----|----|----|----|----|----|----|----|----|----|
| 名言 | 民生 | 心主 | 大味 | 處人 | 寧靜 | 言行 | 才能 | 入國 | 豪傑 |
| 第一 | 第四 | 第七 | 第十 | 十三 | 十六 | 十九 | 廿二 | 廿五 | 廿八 |

|    |    |    |    |    |    |    |    |    |    |
|----|----|----|----|----|----|----|----|----|----|
| 博學 | 尙志 | 爲善 | 清明 | 禮義 | 見諛 | 踐履 | 遠慮 | 先知 | 飄風 |
| 第二 | 第五 | 第八 | 十一 | 十四 | 十七 | 二十 | 廿三 | 廿六 | 廿九 |

|    |    |    |    |    |    |    |    |    |    |
|----|----|----|----|----|----|----|----|----|----|
| 盛年 | 不辱 | 多聞 | 見處 | 平生 | 忠恕 | 物役 | 補拙 | 高立 | 天下 |
| 第三 | 第六 | 第九 | 十二 | 十五 | 十八 | 廿一 | 廿四 | 廿七 | 三十 |

# 序

夫學取致用辭取達意立身處世之道基於束髮受書之時  
清季以還學制迭更科目日繁新刊浩如烟海獨小學修身  
教材非純駁互見即義理乖違甚或偏重神怪寓言蟲魚鳥  
獸之問答鄙俚妄誕幾不可究詰而隱害已中於理智薄弱  
之兒童世事晦盲則人羣淪於刻亂興思及此良足悲哀頃  
獲是書所輯前人名言彙為韻語而結構音節若出自然昭  
微言大義之精無晦澀空疏之病引人興趣暢人天機口誦  
心唯如歌謠之易於熟記爰亟為鏤板庶補教科之缺漏收  
移風易俗之功至若身體力行是在讀者自勵耳

民國二十年六月何鍵識於長沙



原敘

編者幼承庭訓獲親典籍以才質淺陋莫能體認出而涉世悔吝滋焉今刳後餘生取往時所讀諸書重加溫誦證以時事反諸自身上念古人後顧來者不覺悚然懼戚然悲穆然思泣然涕也乃搜集哲言編成韻書用補平生悠忽之愆作家塾誦讀之本吾華聖哲四千餘載遺留之文化庶以此少挹其流五十年來海內學風之衰頹或以此稍彌其缺極舟車所至人羣之衆冀以此廣饒之糧至若所編皆註明出處備考也或斷章而取句便記誦也人名或稱諡或稱字或稱名又有一語而散見諸書者僅記其一處因抄輯時之便就易知者註之也名爲韻編多用古通韻惟取聲之近旨在崇言不以韻重也古人之言有屬於性分者有屬於天道者有屬於人事者混而同之錯雜列之但期於實學絕續之交引以存之也辛未初夏編者自敘

青年成功必讀

原名哲言韻編

名言第一

先哲名言。

其味無窮。

程子

識高則量雅。

氣盛則聲宏。

程子

垂教後世。

輟耕錄

猶之惠風。

司空圖詩品

仁人天下之命。

孝子

百世之宗。

晉書

博聞強識。

禮記

融會貫通。

于傳林入鏡序

以鏡自照

則見形容。

以人自照則見吉凶。

格言類鈔

視遠惟明。

聽德惟

聰。

尚書太甲

無稽之言勿聽。

弗詢之謀勿庸。

尚書舜典

分人以財

謂之惠。

教人以善謂之忠。

孟子滕文公

攻人之惡毋太嚴。

當

思其堪受。

教人之善毋過高。

當思其可從。

史檮臣願叢集

大道

之行。天下爲公。禮記

## 博學第二

博學而篤志。切問而近思。論語子路 舊書不厭百回讀。熟讀

深思子自知。蘇東坡送安惇詩 業精於勤而荒於嬉。行成於思而

毀於隨。韓愈進學解 學如不及。猶恐失之。論語秦伯 前事不忘。

後事之師。賈誼 德無常師。主善爲師。尚書咸有一德 勿以善小而

不爲。勿以惡小而爲之。漢昭烈帝 欲人勿聞。莫若勿言。欲

人勿知。莫若勿爲。漢書枚乘傳 少壯不努力。老大徒傷悲。古

詩 雖有智慧。不如乘勢。雖有鎡基。不如待時。孟子公孫丑

### 盛年第三

盛年不再來。

一日難再晨。

陶潛

是以聖人不貴尺之璧而寶

寸之陰。

淮南子

大禹惜寸陰。吾輩當惜分陰。

陶侃

天下斷無

易處之境遇。

人間那有閒空之光陰。

曾文正

十年樹木。百

年樹人。

管子

一年之計在於春。一日之計在於寅。一家之

計在於和。

一生之計在於勤。

賢文

勤則家起。懶則家傾。

儉則家富。

奢則家貧。

梁國夫人

惜食惜衣。非爲惜財原惜福

。求名求利。

但當求己莫求人。

金蘭生格言聯璧

人生苦樂無定

境。憂喜亦無定程。

藥言

福田廣種。

良苗在心。

彭剛直

人不

讀書。其猶夜行。

。酉陽雜俎

學問求之於己。得失安之於命。

毀譽聽之於人。

。陳榕門

### 民生第四

民生在勤。勤則不匱。

。左傳宣十二

日月相推而生明。寒暑相

推而成歲。

。陳希夷引易繫辭

男正位乎外。女正位乎內。

。周易

敬與

怠分。義與欲對。

。朱子敬義齋銘

凡事豫則立。不豫則廢。

。中庸

以

銅爲鑑。可正衣冠。

以古爲鑑。可知興廢。

。唐書

治世以大

德。不以小惠。

。諸葛忠武

上士重道德。中士重功名。下士重

詞章。斗筭之人重富貴。

。藥言

局卑者以一時之遇爲欣戚。

量淺者以在外之物爲榮悴。思補集

### 尙志第五

士何事。曰尙志。禮記 寧靜以致遠。淡泊以明志。諸葛忠武 敏

於事而慎於言。論語學而 持其志毋暴其氣。孟子公孫丑 息妄念以

養心氣。絕燥怒以養肝氣。節飲食以養脾氣。寡言語以

養肺氣。淡色慾以養腎氣。藥言 人不制情欲。將爲情欲制

。賀連斯 一念之刻卽非仁。一念之貪卽非義。一念之慢卽

非禮。一念之詐卽非智。薛瑄讀書錄 無益之人。勿親亦勿慢

。無益之物。勿用亦勿置。課子隨筆 人家之興替在禮義。富

貴而忘禮義。謂之家替。狄氏家訓

### 不辱第六

不辱其身。不差其親。禮記 目不視非禮之色。耳不聽非禮

之聲。卻康節 聰聽祖考之彝訓。尚書酒誥 思貽父母以令名。禮記

惡言不出於口。忿言不加於身。禮記 何以息謗曰無辯。何

以止怨曰無爭。文中子 拙能破天下之至巧。靜能馭天下之

至紛。胡文忠 輕薄之態。施之於君子。則喪吾德。施之於

小人。則殺吾身。遵生箋 觀發言之平易躁妄。見德養之厚

薄淺深。程子 待人宜存厚道。蔡梁村 交絕不出惡聲。樂毅 莫做

心上過不去的事。莫萌事上行不去的心。司馬溫公 心術不可

得罪於天地。言行要留好樣與兒孫。焦澹園

### 心主第七

心爲身主。如樹之根。楊椒山 種樹必培其根。種德必培其

心。王陽明 潮水有盈縮。人心無古今。李東陽孝女曹娥詩 以父母之

心爲心者天下無不友之兄弟。以祖宗之心爲心者天下無

不和之族人。面山樓格言鈔 勿以小嫌疏至戚。勿以新怨忘舊恩

。執狐疑之心者來讒慝之口。持不斷之意者開羣枉之門

。劉向 今日能行之事。勿待明日。自己能爲之事。勿諉他

人。吉福生

善不積不足以成名。惡不積不足以滅身。易繫辭但

行好事。

莫問前程。

勸善錄

孝莫辭勞。轉眼爲人父母。善

休望報。

回頭看爾兒孫。

格言聯璧

### 爲善第八

爲善最樂。

漢書

讀書便佳。

唐書

白日莫閒過。

青春不再來。

林

寬

精誠所至。

金石爲開。

新序

寡欲精神爽。

多思血氣衰。

百

字銘

勿飲過量之酒。

毋貪意外之財。

朱柏廬

樂不可極。

禮記

樂極生哀。

陶答子妻

欲不可縱。

禮記

縱欲成災。

勸戒全書

君子之見

義。如貪夫之趨利。

君子之出言。

如嗇夫之用財。

呂坤

亂

之所生也。則言語以爲階。易繫辭

### 多聞第九

多聞闕疑。慎言其餘。多見闕殆。慎行其餘。論語爲政逆耳

之言要三思。正則是規吾。邪則是激吾。悅耳之言要三

思。淺則是諂吾。深則是啖吾。金石錄論工於謀人者。察己

常疎。張栻惟口可以啓羞。惟學可以愈愚。荀子失之東隅。

收之桑榆。漢書不可狃小而拘於墟。不可圖大而失其居。賀

賈深激書 君子盛德若無。良賈深藏若虛。史記澹者屢深。濃

盡必枯。司空圖以財交者財盡而交疎。以色交者華落而愛

淪。國策到處盡心。卽爲快事。舉步踏實。便是坦途。揚逸

### 大味第十

大味必淡。大音必希。學餘錄少有道氣。終與俗違。司空圖

輕動者易失。輕合者易離。輕喜者易怒。輕信者易疑。心

影集

公則生明。廉則生威。周濂溪毋啓寵納侮。毋耻過作非

尙書說命

智勇常困於所溺。禍患常起於忽微。歐陽修狎暱惡

少。久必受其累。屈志老成。急則可相依。朱柏廬靜坐常

思己過。閒談莫論人非。格言聯璧往者不可諫。來者猶可追

楚狂接輿

循彼南陔。眷戀庭幃。東晉補亡詩日入光更出。親老

無重歸。劉獻廷

誰言寸草心。報得三春暉。孟郊游子吟

### 清明第十一

清明在躬。志氣如神。朱子

世之巧僞。

不如拙誠。說苑貴德

君

子尊賢而容衆。

嘉善而矜不能。論語子張

不自滿者恒受益。

不自是者恒博聞。莊子式古編

人雖至愚。

責人則明。

人雖至

明。恕己則昏。

當以責人之心責己。

恕己之心恕人。范純仁

加一分體貼。

知一分物情。寶訓

我不欲人加諸我。吾亦欲

無加諸人。端木子貢

衆怒難犯。

專欲難成。鄭子產

偏信則暗。

兼聽則明。魏徵

經濟不從學問中來。

算不得真經濟。聰明

不從樸實受用。算不得真聰明。散花錄

見處第十二

見處貴透澈。行處貴著實。張淨峯非學無以致疑。非問無

以廣識。張文襄書不成誦。無以致思索之功。書不精思。

無以致義理之益。胡道源此日閒過一可惜。此生不學二可

惜。此身一敗三可惜。夏正夫滿招損。謙受益。尚書舜典言悖

而出者。亦悖而入。貨悖而入者。亦悖而出。大學病從口

入。禍從口出。傅玄勸君休着半點私。終無人不知。勸君

休着半點術。終無人不識。寶訓君子坦蕩蕩。小人長戚戚

。論語述而

禁人之所必犯。法必不行。強人之所不能。事必

不立。。章處厚

### 處人第十三

處人不可任己意。要悉人之情。處事不可任己意。要悉

事之理。。呂新吾

行有不得者皆反求諸己。

。孟子離婁

不可以簡傲

爲高。不可以諂諛爲禮。

。思補集

禹聞善言則拜。子路人告

之以有過則喜。

。孟子公孫丑

病莫大於不聞過。辱莫大於不知

耻。

。文中子

以言媚人者。但求人之悅己而不知人之輕己。

以言自誇者。但欲人之羨己而不知人之笑己。

。藥言

千夫所

指。無疾而死。

漢書

實憾不可以虛事釋。謗讟不可以巧言

弭。

抱樸子

土積而成山阜。水積而成江海。行積而成君子

鹽鐵論

跬步不已。至於千里。

北齊書

### 禮義第十四

禮義廉恥。國之四維。四維不張。國乃滅亡。

管子

惟上帝

不常。作善降之百祥。作不善降之百殃。

尚書伊訓

積善之家

必有餘慶。積不善之家。必有餘殃。

易坤文言

見善如不及

。見不善如探湯。

論語季氏

福不可邀。養喜神以爲求福之本

。禍不可避。去殺機以爲遠禍之方。

藥言

心力渙散。勇者

亦怯。心力專凝。弱者亦強。梁啓超勿以酒色自困。勿以

荒樂自戕。心影集內作色荒。外作禽荒。甘酒嗜音。峻宇

彫墻。有一於此。未或不亡。尚書五子之歌

### 平生第十五

平生慎跬步。清道猶周防。捷徑古所賤。歧路古所傷。張

學尹用之則行。舍之則藏。論語述而不伎不求。何用不臧。詩

經術風佐饗得嘗。佐鬪得傷。顏氏家訓爽口物多偏作病。快心

事過恐生殃。吳檝一法通膽欲大而心欲小。智欲圓而行欲方

淮南子惟智者能柔能剛。能圓能方。能存能亡。能顯能藏

。呂新吾 知過必改。得恩莫忘。。周興嗣千字文 貧賤之交不可忘。糟

糠之妻不下堂。

。宋弘

陰陽和而後雨澤降。夫婦和而後家道

昌。。胡隆字

### 寧靜第十六

寧靜是養心第一法。讀書是廣智第一法。含容是待人第一法。安詳是應事第一法。存厚是召福第一法。寡慾是

延壽第一法。勤儉是治生第一法。慎交是遠害第一法。

知足是享樂第一法。

。白川樂翁

貧不安分。乃謂之窮。仕能行

道。方謂之達。。樂言

## 見諛第十七

見諛而喜者佞之媒。聞過而怒者讒之因。文中子涓涓不絕

。將成江河。孔子家語萌蘖不除。將折斧柯。賈誼終日不見己

過。便絕聖賢之路。終日喜聞人過。便傷天地之和。施愚山

學餘集

吉人之辭寡。躁人之辭多。易繫辭言人之不善。當如

後患何。孟子離婁狠毋求勝。分毋求多。禮記天時不如地利。

地利不如人和。孟子公孫丑

## 忠恕第十八

盡己之心爲忠。推己及人爲恕。朱子善莫大於恕。德莫凶

於妬。

。曾文正公

有益於仁莫如恕。

有益於智莫如豫。

。孔子家語

言

小可以喻大。

見微可以知著。

。白虎通

克己可以治怒。

明理

可以治懼。

。劉開

仁人之安宅。

義人之正路。

。孟子離婁

得道者多

助。失道者寡助。

。孟子公孫丑

違心之事不可做。悖理之事不

可做。造孽之事不可做。

害人之事不可做。

。唐彪人生必讀書

### 言行第十九

言必信。行必果。

。論語子路

誠實以啓人之信我。樂易以使人

之親我。虛己以聽人之教我。恭己以取人之敬我。自檢

以杜人之議我。自反以息人之罪我。奮發以破人之量我

。洞澈以解人之疑我。量力以濟人之求我。盡心以報人之任我。天下事盡其在我。司馬溫公

### 踐履第二十

學不踐履。悉爲空談。

錢啓新

書到用時方恨少。事非經過

不知難。

舊詩

尾大則不掉。

左傳昭十一

唇亡則齒寒。

公羊傳僖二

君

子防未然。不處嫌疑間。瓜田不納履。李下不整冠。

古詩

不竭人之忠。不盡人之歡。

禮記

飽當知人饑。溫當知人寒。

晏子

富而無驕易。貧而無怨難。

論語憲問

不患寡。而患不均。

。不患貧。而患不安。

論語季氏

一粥一飯。當思來處不易。

半絲半縷。

恒念物力維艱。

朱柏廬

當大任者如登高竿。

屠赤水

求治不可太急。出令不可太煩。

傳家必備書

苦心未必天終負。

辣手須防人不堪。

汪龍莊

### 物役第二十一

人之不仁。曰爲物役。

真德秀

好勝者必爭。

貪榮者必辱。

古今格言

居家而貪。骨肉不睦。居官而貪。小民隱哭。行

旅而貪。荒郊難宿。放利而行。衆多怨讟。試觀豺狼。

必遭誅戮。

戒貪箴

與其邪而有餘。

不若正而不足。

柳下惠妻

得

勢時多一恣睢。

失勢時增一落寞。

清人制藝

各自責則天清地

寧。各相責則天翻地覆。

呂新吾

是故危莫危於多言。安莫

安於知足。貴莫貴於無求。

賤莫賤於多欲。

高忠憲

禍兮福

所倚。福兮禍所伏。

老子

無平不陂。無往不復。

## 才能第二十二

才能之人。恥與非類爲伍。

曹罔

言之太甘。其中必苦。

國語

貴視其所舉。富視其所與。達視其所不爲。貧視其所不

取。

胡文忠引說苑

天地之間。物各有主。苟非吾之所有。雖一

毫而莫取。

蘇東坡

毋爲禍之梯。

毋爲怨之府。

史記

甘脆肥膿

。命曰腐腸之藥。

蛾眉皓齒。

命曰伐性之斧。

枚乘七發

遠慮第二十三

人無遠慮。

必有近憂。

論語衛靈公

勿臨渴而掘井。宜未雨而

綢繆。

朱柏廬

治生莫要於節用。

庸德錄

止謗莫妙於自修。

三國志

待人當輕以約。責己當重以周。

韓愈

欲不除。如蛾之撲燈

。焚身乃止。貪無了。如猩之嗜酒。

鞭血方休。

趙鉅鏗青年修養

錄

作僞心勞日拙。作德心逸日休。

尚書周官

君子安其身而後

動。易其心而後語。

定其交而後求。

易繫辭

不恒其德。或

承之羞。

易恆

多動不可與久處。

多言不可與遠謀。

文中子

補拙第二十四

勤能補拙。儉以養廉。

格言聯璧

勿謂今日不學而有來日。勿

謂今年不學而有來年。

朱子

有恥則可教。聞過則可賢。

周濂溪

涵養怒中氣。隄防順口言。留心忙裏錯。愛惜有時錢。

汪

受之

同言而信。信在言前。

子思子

言而不信。何以爲言。

穀

梁傳僖二十二

當循名而責實。

淮南子

毋見異而思遷。

管子

尊賢不

讓賢。樂天不任天。

林定徵

天定勝人。人定亦勝天。

歸潛志

天

道虧盈而益謙。地道變盈而流謙。鬼神害盈而福謙。人

道惡盈而好謙。

易謙

自處超然。接人藹然。無事澄然。有

事斬然。得意欲然。失意泰然。

青年修養錄

反身而誠。樂莫

大焉

。孟子盡心

入國第二十五

入國而問俗。入境而問禁。

。禮記

不近人情。則舉足皆是危

機。不體物情。則一生常如夢境。

。格言聯璧

言忠信。行篤敬

。論語子路

無事時要如有事時隄防。有事時須如無事時鎮靜

。吳櫛一法通

君子居易以俟命。小人行險以徼幸。

。中庸

見富貴

而生諂容者最可恥。遇貧窮而作驕態者賤莫甚。

。朱柏廬

富

貴功名皆人世浮榮。胸次浩大。是真正受用。

。曾文正

蓋自

其將變者觀之。則天地曾不能以一瞬。自其不變者觀之。

。則物與我皆無盡。蘇東坡

## 先知第二十六

先知覺後知。先覺覺後覺。伊尹學是學此樂。樂是樂此學

。王文真

學不至於樂。不可謂之學。司馬溫公神思淡則血氣和

。嗜欲勝則疾疹作。孫思邈天下之治亂。由人事之平險。

人事之平險。由人心之憂樂。賀貽孫激書士當先天下之憂而

憂。後天下之樂而樂。范仲淹憂民之憂者。民亦憂其憂。

樂民之樂者。民亦樂其樂。孟子梁惠王

## 高立第二十七

高處立。闊處行。眼高於頂。力大於身。。胡文正明鏡止水

以存心。泰山喬嶽以立身。青天白日以應事。光風霽月

以待人。。葉繩祖難操而易縱者情。難完而易毀者名。貧賤

而不可無者志節之貞。富貴而不可有者意氣之盈。。思補集

貧賤憂勞。是淬身之砥礪。驕奢淫佚。乃伐性之斧斤。。吳

康齋

君子謀道不謀食。憂道不憂貧。。論語衛靈公不義而富且

貴。於我如浮雲。。論語述而渴不飲盜泉水。熱不息惡木陰。

惡木豈無枝。志士多苦心。。陸機猛虎行

豪傑第二十八

天生豪傑。必有所任。拯斯民於塗炭。爲萬世開太平。。顧

亭林

井蛙不可以語海。夏蟲不可以語冰。。莊子秋水 愚者闇於

成事。智者見於未萌。。戰國策 明莫大乎自見。聰莫大乎自

聞。。中論修身 貪能使人瞽。躁能使人昏。。賀貽孫激書 主敬則身強

。慎獨則心甯。求仁則人悅。習勞則神欽。。曾文正 與其爲

無益以祈冥福。不若爲有益以濟生人。。陸世儀 愛惜精神。

留此身擔當宇宙。蹉跎歲月。問何年報答君親。。清人聯語

### 飄風第二十九

飄風不終日。烈雨不終朝。。老子 子孫賢則家道盛。子孫不

賢則家道消。

石成金傳家寶

書必擇而讀。友必擇而交。張揚圖勤

字可以醫情。

慎字可以醫驕。

曾文正

緩則治其本。急則治

其標。

陳修園

視之明也鑒於賢。不在見於眉睫。視之遠也

觀於德。

不在察於秋毫。

慎子

君子服美則益敬。小人服美

則益驕。

墨子

登山耐窄路。

踏雪耐危橋。

沈應彤程式編

以浩氣臨

事則疑畏釋。以正氣接物則妖氛消。

曾文正

### 天下第三十

天下興亡。

匹夫有責。

顧亭林

風俗者天下之大事。廉耻者

士人之美節。

熊勉庵

氣象要高曠。不可疏狂。心思要縝密

。不可瑣屑。趣味要冲淡。不可枯寂。操守要嚴明。不

可激烈。修身要言

建大功者不期近效。陳榕門

識時務者在乎俊

傑。

司馬德操

以積貨財之心積學問。以求功名之心求道德。

以愛妻子之心愛父母。以保爵位之心保邦國。申奇選

# 爲善最樂

下列各善書如欲印贈

## 祇收工料以求普及

上海經書流通處編印

上海及各省世界書局發行

|         |      |         |
|---------|------|---------|
| 人生窮富循環圖 | 每張八分 | 每十張一元   |
| 青年男女猛省圖 | 每張八分 | 每十張一元   |
| 太上寶筏全集  | 每部   | 每部一百部   |
| 洞冥記全集   | 每部   | 每部一百部   |
| 全部玉歷寶鈔  | 每冊   | 每冊一百部   |
| 靈驗三聖真經  | 每冊   | 每冊一百部   |
| 入道階梯    | 每冊   | 每冊一百部   |
| 立身要訓    | 每冊   | 每冊一百部   |
| 靈異錄     | 每冊   | 每冊一百部   |
| 增訂達生編   | 每冊   | 每冊一百部   |
| 青年成功必讀  | 每冊六分 | 每冊一百部四元 |
| 青年做人之道  | 每冊五分 | 每冊一百部三元 |

原名言韻編

# 青年成功必讀

全一冊定價銀六分

中華民國二十一年八月初版

印刷者 上海經書流通處

發行者 上海經書流通處

發行所 上海世界書局

全國各埠世界書局均有代售

B828

163

20507



B828  
163